



অবিলম্বে প্রকাশের উদ্দেশ্যে: 2/22/2023

গভর্নর ক্যাথি হোকল

2024 অর্থবছরের নির্বাহী বাজেটের অংশ হিসেবে সাদার্ন টিয়ারে বিনিয়োগ সম্পর্কে
গভর্নর হোকলের আলোকপাত

*এই বাজেটে সাদার্ন টিয়ারে পরিবহন বিভাগের মূলধনী প্রকল্পগুলোর জন্য 151 মিলিয়ন
ডলারেরও বেশি; স্থানীয় সড়ক ও রাস্তার গর্ত মেরামতের জন্য 23 মিলিয়ন ডলারেরও
বেশি অন্তর্ভুক্ত রয়েছে*

*বিংহ্যামটন ইউনিভার্সিটির ব্যাটারি প্রযুক্তি উদ্ভাবনের হাব স্থাপন করা অব্যাহত রাখার
জন্য 50 মিলিয়ন ডলার অন্তর্ভুক্ত রয়েছে*

গভর্নর ক্যাথি হোকল আজ তার 2024 অর্থবছরের নির্বাহী বাজেটের অংশ হিসেবে নিউ ইয়র্কের সাদার্ন টিয়ারে কর্মসংস্থান বৃদ্ধি করা এবং অর্থনীতি সমৃদ্ধ করার জন্য গুরুত্বপূর্ণ প্রস্তাবগুলো সম্পর্কে বিস্তারিত তথ্য ঘোষণা করেছেন। 2023 সালের স্টেট অব দ্যা স্টেট ঘোষণার সঙ্গে সঙ্গতি রক্ষা করে, এই বাজেটে এই অঞ্চলে আবাসন সরবরাহ বৃদ্ধি করা এবং অর্থনৈতিক সুযোগ-সুবিধা ও উদ্ভাবন বৃদ্ধি করার জন্য একটি বৃহৎ বিনিয়োগ অন্তর্ভুক্ত রয়েছে।

"আবাসন, উদ্ভাবন, শিক্ষা, ও অবকাঠামো খাতে এসব রূপান্তরমূলক বিনিয়োগের মাধ্যমে, আমরা সাদার্ন টিয়ারে বসবাসকারী সবার জন্য একটি উন্নত, অধিকতর উজ্জ্বল ভবিষ্যত নির্মাণ করছি," বলেছেন গভর্নর হোকল। "এই তহবিল কাজে লাগিয়ে, এই অঞ্চলের সিটি ও টাউনগুলো তাদের আশেপাশের এলাকাগুলো পুনরুজ্জীবিত করতে পারবে, নিউ ইয়র্কবাসীদের জন্য আরো সুযোগ-সুবিধা তৈরি করতে পারবে, এবং নিজেদের কমিউনিটিগুলোকে অধিকতর নিরাপদ, আরো বেশি শাস্রয়ী, এবং আরো বেশি বাসযোগ্য করে তুলতে পারবে যাতে প্রত্যেকের নিউ ইয়র্কের স্বপ্ন পূরণে সচেষ্ট হওয়ার সুযোগ পাওয়ার বিষয়টি নিশ্চিত করা যায়।"

আজ গভর্নর হোকলের ঘোষণা করা কয়েকটি বাজেট প্রস্তাব উচ্চ-সমৃদ্ধশীল শিল্পগুলোকে লক্ষ্য করে টার্গেটকৃত বিনিয়োগ, ব্যবসায়িক সহায়তা এবং অন্যান্য কর্মসূচির মাধ্যমে নিউ ইয়র্ক স্টেটজুড়ে অর্থনৈতিক সুযোগ-সুবিধা ও উদ্ভাবন সম্প্রসারণ করার মাধ্যমে কর্মসংস্থান ও ব্যবসা প্রতিষ্ঠান বৃদ্ধির জন্য 2023 সালের স্টেট অব দ্যা স্টেট ভাষণে ঘোষণা করা [অর্থনৈতিক উদ্ভাবন পরিকল্পনার](#) সাথে সঙ্গতিপূর্ণ। গভর্নরের বাজেটে স্টেটজুড়ে উচ্চ শিক্ষায় বিনিয়োগ করার এবং স্থানীয় আকর্ষণগুলো উন্নত করার কয়েকটি উদ্যোগ অন্তর্ভুক্ত রয়েছে। সাদার্ন টিয়ার অঞ্চলের জন্য, এই পরিকল্পনার মধ্যে রয়েছে:

- সাদার্ন টিয়ারের জন্য 1.4 বিলিয়ন ডলারের স্কুল সহায়তা
- সাদার্ন টিয়ারের জন্য ফাউন্ডেশন সহায়তা 95.8 মিলিয়ন ডলার বৃদ্ধি
- -DOT-এর মূলধনী প্রকল্পগুলোর জন্য 151 মিলিয়ন ডলারেরও বেশি, যার মধ্যে রয়েছে:
 - রুট 17-এর পেভমেন্ট নবায়নের জন্য 45 মিলিয়ন ডলার
 - এই অঞ্চলজুড়ে সেতু প্রতিস্থাপন ও মেরামতের জন্য 10.3 মিলিয়ন ডলার
- বিংহ্যামটন ইউনিভার্সিটির (Binghamton University) ব্যাটারি প্রযুক্তি উদ্ভাবনের একটি হাব স্থাপন করা অব্যাহত রাখার জন্য 50 মিলিয়ন ডলার
- স্থানীয় সড়কগুলোর বাঁধানো ও রাস্তার গর্ত মেরামতের জন্য 23 মিলিয়ন ডলার
- আঞ্চলিক কলেজগুলোতে 24 মিলিয়ন ডলারের মূলধনী বিনিয়োগ, যার মধ্যে রয়েছে:
 - বিংহ্যামটন ইউনিভার্সিটির জন্য 13 মিলিয়ন ডলার
 - কর্নেল ইউনিভার্সিটির (Cornell University) জন্য 10 মিলিয়ন ডলার
 - ব্রুম কমিউনিটি কলেজের (Broome Community College) জন্য 963,000 ডলার
 - টম্পকিনস কমিউনিটি কলেজের (Tompkins Community College) জন্য 250,000 ডলার
 - কর্নিং কমিউনিটি কলেজের (Corning Community College) জন্য 177,000 ডলার
- আসক্তি সংক্রান্ত পরিষেবায় অর্থায়নের জন্য 16 মিলিয়ন ডলার
- মনট্যুর ফলসে ফায়ার একাডেমির (Fire Academy) উন্নয়নের জন্য 10 মিলিয়ন ডলার
- বিংহ্যামটন খাদ্য নিয়ন্ত্রণ প্রকল্পের (Binghamton Flood Control Project) জন্য 6 মিলিয়ন ডলার
- - মহল্লা ও গ্রামীণ সংরক্ষণ কর্মসূচির জন্য 1.2 মিলিয়ন ডলার
- বিংহ্যামটন ইউনিভার্সিটির হ্যারিয়েট টাবম্যান সেন্টার ফর ফ্রিডম এন্ড ইকুইটি (Harriet Tubman Center for Freedom and Equity)-এর জন্য 400,000 ডলার
- টাফানক ফলস স্টেট পার্কের জন্য 600,000 ডলার

এম্পায়ার স্টেট ডেভেলপমেন্টের (Empire State Development) প্রেসিডেন্ট, CEO ও কমিশনার হোপ নাইট বলেন, "গভর্নর হোকলের দূরদৃষ্টিসম্পন্ন বাজেট প্রস্তাবের মধ্যে স্মার্ট অর্থনৈতিক উন্নয়নের কৌশলসমূহ অন্তর্ভুক্ত রয়েছে যা স্টেটজুড়ে কমিউনিটিগুলোর কাছে ব্যবসা প্রতিষ্ঠান ও অধিবাসীদেরকে সমানভাবে সহায়তা প্রদান করার জন্য প্রয়োজনীয় সংস্থানগুলো থাকার বিষয়টি নিশ্চিত করবে। শিক্ষা, কর্মীবাহিনী বিকাশ, অবকাঠামো, এবং সাশ্রয়ী আবাসনে এইসব কেন্দ্রীভূত, রূপান্তরকারী বিনিয়োগ আমাদের স্থানীয় অর্থনীতির উন্নতিতে তার চলমান প্রতিশ্রুতিকে প্রদর্শন করে। সাদার্ন টিয়ারের এসব টার্গেটকৃত প্রকল্প অর্থনৈতিক প্রবৃদ্ধির চালিকাশক্তি হিসেবেও ভূমিকা রাখবে, যা এই সৌন্দর্যমন্ডিত অঞ্চলকে উন্নতির ধারাবাহিকতা অব্যাহত রাখতে সাহায্য করবে।"

আরো সংবাদ পাওয়া যাবে এখানে www.governor.ny.gov-এ
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418